

薛稷吟館鈔存

薛孫吟館鈔存

卷八目錄

恭和

御製戒因循詩元韻

恭和

御製

皇考宣宗成皇帝聖訓實錄告成御保和殿行禮恭紀

元韻

恭和

御製去歲未見雪澤茲節逾立春欣敷時玉預兆登豐
然不敢自寬尚冀春雨繼霑以益二麥聊成是什

識之元韻

咏我相國因余入直樞廷旋晉協揆惠詩誌喜
謹步呈政

新春恭進春帖子詞

恭和

御製文昌廟禮成有作元韻

恭和

御製皇長子周歲之喜有作元韻

奉

命詣萬壽山五百羅漢堂拈香敬成

政府鮮暇已過重九喜聞西域蕩平與同人擬

補登高之舉咏莪相國即席有作依韻請政

連接南信詩以誌盼仍用前韻

香海書堂殘菊猶盛清軒少宰偕同人過談咏

莪相國即席成什奉和

戊午新春恭進春帖子詞

恭和

御製上元越二日幸園即事元韻

奉

勅敬題

御繪瓶荷七律一首

咏我樞相以書懷八章紈扇見贈適有感觸即
用原韻報之

惠親王屬題受印圖

驛卒謠

戊午秋闈朱桐軒大司農以聚奎堂王衷白詩
步韻見示

再用前韻東同年程楞香副憲廷桂

再用前韻東尹杏農侍御耕雲

尹杏農用東坡監試詩步韻來質和之

闈中書懷東彈歷寶佩珩少農鑿監臨景秋坪

少空廉署尹毛煦初昶熙外監試朱晴洲江

顏夏廷瑚培諸公

重九日揭曉登明遠樓

辟菴吟館鈔存

臨潢 柏葭

恭和

御製戒因循詩元韻

宸翰堂皇教澤寬萬幾無曠

帝先難百年事業空顏汗九德剛彊媿耳餐徧宇中如
江漢濯措天下乃泰山安從今湔盡因循習拜服

天家換骨丹

恭和

御製

皇考宣宗成皇帝聖訓實錄告成御保和殿行禮恭紀

元韻

六載

勤勞永矢

天相承

聖

聖早

開先

鴻基奕葉苞桑固

駿業重光瓜瓞緜

寶籙昭垂符舜典

璫章瞻拜頌

堯年

宸衷繼

志徵宵旰薄海同欽

教澤宣

恭和

御製去歲未見雪澤茲節逾立春欣敷時玉預兆登豐
然不敢自寬尚冀春雨繼霑以益二麥聊成是什
識之元韻

鎮日濃陰洒瑞霽方珪圓璧喜堆瓊畫添北苑山林潤
春到東郊海宇清布穀烏呼占上稔害苗螟去利深耕

聖心齋被

辛祈後續沛甘霖答

至誠

咏莪相國因余入直樞廷旋晉協揆惠詩誌喜

謹步呈政

佩誦松風閣上編

公詩
集名

後塵趨步溯頻年

自己巳與公共事
迄今一星終矣

不圖薇省花磚侶更許樞廷玉轡聯

九陛絲綸重端揆一時手筆景英賢即今宵旰煩

丹宸媿乏謨猷敷日宣

新春恭進春帖子詞

履端新轉律一歲兩逢春

錫福

天申福

祈年重次辛

時和玉燭慶

當陽雲物都會日月光最喜天中剛得閏薰歌一曲景

舒長

是年閏五月

肅清已報江如練轉粟還欣海不波自是
仁風能鼓物兵銷歲稔樂安和

恭和

御製文昌廟禮成有作元韻

陰隲鴻文典冊尋

至誠感格識

神歆戴筐宿共奎光耀瞻斗春隨

御輦深兵氣漸銷孚

舜治廟模新煥仰

堯欽明裡修舉超羣祀化洽人天慰

聖心

恭和

御製皇長子周歲之喜有作元韻

天上星光耀人間歲琯周

鴻圖長錫福

麟趾正延庥春色敷堯甸嘉徵叶禹疇拜颺歌
壽考欣頤句欣酬

奉

命詣萬壽山五百羅漢堂拈香敬成

偶陪

鑿輅幸名園勅使拈香荷

旨溫合十應真如問訊大千世界絕攀援一燈指引室
羅筏四子皈依般若門禮畢同舟登彼岸香煙掩靄護

雲根

政府鮮暇已過重九喜聞西域蕩平與同人擬
補登高之舉咏我相國即席有作依韻請政
辰良情少適游讌愜心期園小五星聚樓高九日宜銜
盃聯舊侶擊鉢得新詩試作濠梁想觀魚知未知

連接南信詩以誌盼仍用前韻

聞道江防報功成十月期元戎饒智勇大帥洞機宜露
布一篇奏采薇三捷詩甘泉馳遞夜

九陞喜堪知

香海書堂殘菊猶盛清軒少宰偕同人過談咏

我相國即席成什奉和

吏部高風載酒過雪堂步月仿東坡

是日恰值十月之望

撤來蓮炬

歸途晚吟到梅花麗句多

梅谷大司寇亦有詩

半日偷閒留客話八

方送喜盼饒歌卿曹記取紅旌報

樞筵值房懸御筆喜報紅旌四字額

一醉

同傾金叵羅

戊午新春恭進春帖子詞

吉戊占豐屢良辰得氣先

立春日干在
戊日支在辰

天顏應有喜

健德協

乘乾

瓊田瑤圃玉為京快雪會滋更快晴

本年長至前後凡得
雪三次計已逾尺矣

三

白已占豐歲兆捷書指日報紅旌

蠲租展賑

聖恩多雲物呈祥樂太和察吏方書鵷序績興賢又聽

鹿鳴歌

恭和

御製上元越二日幸園即事元韻

翠華新喜

聖時乘山色迎

鑿擁萬層月鏡今猶開寶篋燈屏昨憶歛輕繒人聞
游豫羣情悅家用平康百福膺六寓塵消春滿苑

撫辰熙績頌咸凝

奉

勅敬題

御繪瓶荷七律一首

宛有香風出膽瓶
寫來淨植亦亭亭
墨痕鈎勒成飛白
花色鮮妍謝暈青
昔日毫端工點染
新年

幾暇詠芳馨
幸依

溫室春長駐
逸品

宸題上

御屏

咏莪樞相以書懷八章紈扇見贈適有感觸即
用元韻報之

盼到雲濃雨腳低
曰蒙曰僭日淒迷
洗兵望斷天河水
率負林鳩逐婦唬

猿鳥頻年畏簡書
友生戎馬死生餘
武侯不作鄴侯逝
若箇山中問隱居

滬渚連檣似宛虹
火輪間阻直沽東
胥濤不解膠舟計

轉粟翻憂海上通

校藝曾為白下游兩番聽徹秣陵秋空憐文筆千軍掃
滿地烽烟滿眼愁

昔年四鎮變蟲沙今日樓船天一涯莫向莫愁湖上望
笙歌銷歇但鳴蛙

楊花榆莢態輕狂禁禦春深正豔陽耐煞玉皇香案吏
蓬壺日影十分長

名花一朶雨風殘我正傷春怯嫩寒何事曉鶯啼不住

凭欄無語淚闌干

時幼女
夭逝

浪說人間重晚晴
黃昏已近不勝情
年來鬢髮星星早
塵海浮沈媿此生

惠親王屬題受印圖

秋風肅殺厲題肩

月令征鳥厲疾
注一名題肩

討逆乘時

特簡賢

元老登壇矢忠勇

旨有忠誠
仁勇之褒

上方

頒劍策安全

頌佩銳
捷刀

翠枝三眼翎輝日

賜三
眼花翎

鳧藻一心戈動天首

繪雲臺超四七周家篤祐頌聲傳

驛卒謠

一日復一日日日驛遞至四百五百六百里其中尚有
加緊字心驚雙馬串鈴聲目眩千番訴功紙我問驛卒
何處來驛卒未語先含哀滇黔閩浙三江地苗教回捻
紛起如蟲災下走食糧卅餘載上皇重驛恩如海當
年聞煞七尺身而今忙壞尺八骸元戎閩外何陽陽壯
士輸忠死沙場兵勇驕橫擾鄉國讒慝貪婪買官爵偶
然小捷時一聞薦剡敷陳亂黑白收復少保舉多朝中

關中書懷東彈壓寶佩珩少農鑿監臨景秋坪

少空廉署尹毛煦初昶熙外監試朱晴洲文江

顏夏廷培諸公

老去論文強自雄莫貽頭腦誚冬烘無能為矣燭之武
大耐官馬向敏中湖海多方狺瘞狗草茅到處聽哀鴻
避賢卻少抽身法鞠瘁惟應矢此衷

重九日揭曉登明遠樓

公餘乘暇一登樓乍睹西山豁醉眸烟樹萬家皆入畫

風窗四面不勝秋且教眼界明還遠
陡憶駒光去莫留

五十年前簪筆地古槐依舊綠雲稠

幼年歲試古學府丞汪東序先生諱

鏞山東人以試院古槐命題七古擢余為案首

右箴箠吟館詩八卷賦二卷 先師相
國柏公聽濤所著其子鍾濂稚泉裒為
一集而授學勤讀之既卒業乃為之言
曰詩者本於性情其人有廉介之節忠
信之行則其發於詩者必有醇雅之音
以道其繆繆之懷而不可以偽為也

公以廉直受知

宣宗由詞林躋位冢宰迨

文宗御極參密勿登宰輔向用尤殷矣而忌者
卒以竒禍害 公然海內之士知與不
知述其事者至今為之泣下而思 公
者不置夫古之君子思其人則其平生

服御之微尚猶愛之况於公之遺集乎今讀其詩和平溫厚可想見公之為人則稚泉裒集而梓行之亦海內士大夫之所企望也已同治三年十一月門下士朱學勤謹跋

七律二章敬題

靜濤先生大人薜篣吟館大集

獨挾叢雲綴偉詞
聰明福分兩兼之
三朝燕許扶輪手
一代韓歐大雅師
勲業於今侔富范
賡歌終古數皋夔

鴻篇壽世清華品四海心香
共護持

鋒車飈馭驟駸駸四至陪
京踏雪吟萬里星馳傳馬
帳一編風雅重雞林江山過眼
供新料海嶽蟠胸盡素襟愧

我閒曾隨鯉對幸聽仙樂廣
陵音

愚姪傅馴初稿

薛菘唵館鈔存吾

師靜濤相國所著也杼寫性真鼓
以浩氣纏綿悱惻古直蒼涼較之
流連景物者有上下牀之別儀不

敏又以勞刑案牘筆墨荒蕪何
敢言詩回憶執經絳帳親承培

植之深即使獻頌騷壇莫聲托揚
之妙因與 雅泉世兄共事農曹
甚相投契囑為編益切觀摩洵乎
大匠門高良工心苦付之剗剗導
以津梁吟誦幾經夫薇盥早欣
圃我蓬心品評敢綴以藟言竊

幸同君蒲真至吾

師明良合泰上下交孚黼黻文章
經綸宇宙又豈僅吟詠一端所能窺
其涯涘也哉

同治三年歲次甲子仲冬之月

受業趙鴻儀謹跋

右薛錄吟館詩集十卷

先大夫宦遊之作也

先大夫生平好吟詠自通籍後與當時館閣諸君子唱

酬無虛日其間典試數大郡凡所過名山大川以

及古今人物勝蹟每有所觸輒發於詩以故日積

益多暇輒手錄之藏於笥不欲出以問世

鍾濂敦

請始付之梓於己未歲

先大夫棄養後服官農曹輒思

先人著述及今不彙而存之後益散佚復於舊笥中搜得古近體詩若干首遍求父執及諸同人細為校訂共成十卷付之剞劂

先大夫存日曾顏一室曰薜蘿吟館暇輒吟詠其中今以名集承先志也不肖不獲常親顏色回思幼時隨侍膝下聞

先大夫一吟諷聲雖不解作何詩然輒依依不能去至今憶之如夢如昨蓋不禁淚泫泫下也

男
鍾濂謹誌

薛稷吟館鈔存

卷上目錄

春雪賦

以雪花如糝滿春朝為韻

夏雨雨人賦

以題為韻

陪都景物畧賦

以韻并序大清一統

天子萬年為

平秩南訛賦

以題為韻

閏月定四時賦

以題為韻

復小而辨於物賦

以題為韻

薛稷吟館鈔存

卷上目錄

律中仲呂賦以孟夏之月律中仲呂為韻

四月秀萋賦以題為韻

王瓜生賦以孟夏之月王瓜乃生為韻

學古入官賦以學于古訓乃有獲為韻

六事庶為本賦以題為韻

釋奠于學賦以二月上丁釋奠于學為韻

藉田賦以日練吉亥為農祈祉為韻

薛稷吟館鈔存

臨潢 柏後

春雪賦

以雪花如糝滿春朝為韻

冰葉含澌霜花散纈梅瓣飄零柳條漏洩見微
霰之飛揚結祥雲而皎潔幾度暖風晴日漸烘
大地之春連朝翦水揉雲又釀一天之雪時則
山村寂歷烟樹杳天空濛兮乍暝風料峭兮
初斜十里五里三家兩家輕纔積粉密漸飛沙

好趁春陰誤一村之柳絮似嫌春晚妝千樹之
梨花高高下下賁如皤如乍穿窻隙旋布堦除
草屈鉤而欲凍菜舍甲而仍疎却疑何處花香
三逕忽飛蛺蝶錯記上元月色一庭恍映蟾蜍
若夫籠遠樹兮烟輕羃遙峯兮雲淡土膏動而
委地潛消霜粉霏而臨風細糝迷楊逕之白羶
壓麥畦之碧毯偶向江邊垂釣猶帶餘寒儻教
陌上尋芳徧開小蒼又若一畝園林數椽池館

翦翦風輕鱗鱗雲緩皆有跡而銀鋪堂無聲而
玉滿遊魚負去池中之冰片同消飛燕銜來梁
上之芹泥未暖於時買春有客卧雪何人賦青
陽而意遠歌黃竹而詞新望撲檐之冷玉同凝
榭之芳塵舞空青兮碎碎寫飛白兮勻勻應同
雨下如膏年占瑞雪即當花開似錦館築爭春
國家璇璣政布玉燭時調方肇端於嘉月巳霑足
乎良苗從茲春滿

皇州天開景麗雪敷

聖澤人記寒消一百五日之年光晴開繡陌二十四
番之風信暖送花朝

夏雨雨人賦 以題為韻

稽說苑之遺聞識齊卿之定霸謂樂利之均沾
在恩膏之時下已是扇和而後人仰仁風正當
掌賞之期雨符聖化情占星好法荃宰以施行
恩與雲翔合芸生而慰藉如百穀之仰膏雨澤
本偕春惟善政之在養人陰還似夏想夫候紀
三庚晴逢卓午日可畏兮南榮風來薰兮北戶
諒人意之怨咨正夏畦之作苦盼到須臾之澤

雷厲風行解茲炎燠之威德洋恩溥化霑草木
來蘇已徧農人望甚雲霓既渥疇為霖雨豈知
我澤之時行不異醲膏之乍注何須林外鳩呼
何待河邊豕渡豈蜈躍之可知豈蟻封之或悟
但覺霏霏清塵滂沱洒路玉竿垂處散六合之
旱雲火繖收來沛九天之甘澍想兆民之允殖
莫不昭蘇願斯世之沾仁如茲汜濩笑彼屯膏
吝惠風霆共見其威行試看飢粟寒襦珠玉何

煩乎天雨遂使四方送喜萬物懷新既淪肌而
浹髓復浴德而澡身當夫雲出青山本繫蒼生
之望果尔霖滋赤壤全回六幕之春猶憶炎光
四照畏景一輪琴無解愠扇未揚仁曾非甲子
之期崇朝其雨豈待丙丁之禁醲化如神帝力
全忘潤物宛占乎三日天工可待知時亦應乎
一旬惟覆露之徧羣生撫茲方夏故推恩以保
四海足以長人然而效僅籩虞情鄰子煦諒小

唐書卷一百一十五
惠之弗從何霸圖之足慕我

皇上教澤雲興

恩膏霞布轅童壤叟世飲醴泉舜楹堯尊

天垂湛露共仰

一人有慶歌風協虞帝之詩竝看九夏屢豐喜雨進

唐臣之賦

陪都景物畧賦

以韻并序 大清一統

天子萬年為

昔人三都兩京之賦鋪張揚厲宣上德而抒下
情抑亦雅頌之亞也我

國家

龍興東土瀋陽尤為根本重地伏讀

聖製盛京賦古奧排宕典則宏深誠非顛愚之所能窺

測某以戊戌之臘承乏冬官初蒞斯土見夫山

川之雄厚物產之豐饒退食自公爰撰斯賦雖

於

聖德神功未足賡颺萬一而詞惟記事意取通俗聊比
於帝京景物春明退食諸篇之義云尔其詞曰
懿

聖皇之御宇也日月照臨乾坤交泰六合殷昌四方和
會規天萬地惟

帝王自有真輦賚航琛合夷夏而無外圖描職貢極崑
崙九億萬里而不屈而孚國列年班服瀚海四

十九旗而方興未艾看此日民風之古邁載毫
而居邠憶當年

締構之艱鞏山襟與河帶於斯為盛

一人享天下之平莫與之京

天子居宇中之大原

陪都之未建乃肇迹於

興京築界蕃而地拓移遼陽而業宏天命十年

幸瀋州而胥宇地基九里增遼金之舊城星野上合乎

箕尾金湯遠軼夫元明觀夫山宗長白水繞滄
瀛醫巫閭則嶙峋北鎮松花江則潏潏東橫仰
啓運之一峯

珠丘四列標

隆業兮千古

天柱雙擎加以枸柳之河右帶蘄芋之灤前盈魚泊
月湖之景溫泉冰峪之名首山蹟古千山畫成
十三站之留仙有趾華表山之化鶴無聲石室

天門蓉華峭拔龍潭夜月磨石崢嶸壺瓶望海
之峒峯巒映帶椰子梨花之峪林壑紛呈惟茲
邦之神偉洵有以控宇內而鞏我

皇清饗

親而

太廟升馨饗

帝而

天壇涓吉川嶽懷柔豆籩芬苾乃啓

法官修

溫室

堂崇隆

齋萃嶽

閣列飛龍翔鳳之名

闕排文德武功之實前朝後市

大政之殿栽栽右城左平十王之亭櫛櫛三層樓

迥

聖顏垂堯舜之裳十面石圓梵唄認倉義之筆鷲峯遠
挿四墪凌雲雉堞高橫八門晃日坐鎮資乎元
老滿漢總師協恭逮於五人東西翊弼萃升書
院學使按臨宗室營房將軍統帥兩郡分牧或
縣或尉之官三鎮屯兵如虎如羆之質嚴水軍
之部伍戰艦糧艘通陸路之軒車古關名駟七
十二湖之沮洳儼碁布而星羅六千餘里之封
疆盡風同而道一處處耕桑家家絃誦玉燭調

時金科息訟八旗濟濟儲材久澤以詩書良士
番番善射預遴乎侍從計日計繩億兆畝良田
隸於農曹皇莊官莊萬千區薄賦足乎

國用習淳良而尚節儉流風已式於九圍悅禮樂
而務材能馭民悉歸乎八統土宜判矣風物蔚
然

瑞榆滴兮甘露嘉禾蓊兮曉烟草靱鞠兮韡暖松
依竒兮材堅蜀黍釀兮乾白醞霜林冷兮凍青

妍煖木香樹壓弓樺船梨稱香水石號錦川水
晶鹽賤冰糖齏鮮包兜米扶疎牆外柿子瓜掩
映籬邊黑津貂美綠江珠圓海青有鶻哲綠如
編狐貉則集裘之腋鱗鯉則橫海之鱣榭葉高
低哨鹿應嚴窳窖椳林遠近秧蕩早禁園田危
斛渡人一葦輕於雪海爬犁駕馬雙轆馳以冰
天竹蕤淡巴菰口噓雲霧決裁堪達罕手控弓
弦下及桐生之茂豫穀實之芊眠舟鮫虞衡不

盡述山經海誌不能宣蓋生材之悉備知數典
之難全若乃春日煦而花紅秋風冽而山紫聽
田歌兮鹿盧看畦耨兮鴉背屋峙烟筩窻糊油
紙炕傳卮字人麇聚而成都街是四平貨鱗排
而滿市聆中宵之更點鐘鼓樓高問近禁之衙
衙金銀庫邇堂開萬柳幾層古木平沙河引萬
泉一派紅蓮綠水跳步扎於十勝寺舞自傴僂
奏鼓吹於

萬壽臺音非靡靡行獵而奔蹄駭翼射有軍丁貢鮮
而佳果新蔬供皆園子歷四序之雨暘寒暑咸
登大有年中合六邊之工賈士農共樂無懷世
裏昔者營州是分箕子曾建氏肅慎兮貢通國
挹婁兮俗健軍稱顯德興遼縣溯樂郊昭遠類
皆地極荒寒風留淳悶今則四境耘耔萬家文
獻猶憶十三甲特彰

天討

大烈丕承乃俾十六城永載

聖仁緣督自勸遠暨乎龍江南北早分省界為三近綏
乎遼水東西不數城名統萬爰作頌曰

天作高山毓瑞先兮惟

帝出震式

乘乾兮

上都再徙定幽燕兮

列聖教育

恩繇延兮我

皇恭已軒鏡懸兮周重幽岐雅頌傳兮漢尊豐沛租
稅蠲兮佳哉瀋陽形勝全兮地靈人傑洵空前

兮

發祥衍慶周垓埏兮受

天之祐億萬年兮

平秩南訛賦 以題為韻

陶唐氏以欽明之德觀於變之情人時用授天
象是程眷東作之已興功資樂利宅南郊而申
命政待裁成化育方隆於荃宰調均宜徧於芸
生物相見乎離本離明而燮理夏之言為假斯
假大以宣平時則風已來薰日方在畢長羸迴
南陸之躔仲呂奏南方之律赤騮朱輅南郊享
帝之時菜秀瓜生南陌催耕之日當陽氣之發

舒見物機之洋溢訛通乎化化生者勃然而興
南取乎任任事者時哉勿失萬象有綱緼之致
已乘長夏而昭宣一人叅輔相之權宜繼仲春
而平秩帝乃召羲叔而夙戒勗政教之遐覃謂
天工之可代進月令而相叅倘民之勤惰不齊
何以使農夫克敏倘事之後先失序何以占稼
穡作甘爾其乘天時之率育爾其稽農政而討
探歲欲登乎時億時萬力先齊乎挾五挾三平

以昭畫一之條稽事已聯乎亞旅秩則協準直
之義夏畦何病於東南是蓋政叅造化治泯偏
頗下以培乎邦本上以法乎天和趁芒種而勤
劬田開上上助桐生而茂豫稼祝多多毋用火
南方宣氣重插秧之候毋起工南園劬農聽打
麥之歌共遵王道平平成歲功而有準定卜大
猷秩秩忘帝力之如何所以和叔為分命之官
平秩每先於平在漢史曷當為之義南譌不異

乎南訛我

皇上教稼躬先授時政布屈長養於恢台皆

恩膏之汎濩凱清南夏韜戈偃伯之風

琴奏南薰解愠阜財之句五禮秩而惇庸克叙邁
堯典以陳書三階平而風雨以時繼豳圖而獻

賦

閏月定四時賦 以題為韻

我

皇上熙績釐工

乘乾出震甌鞏金堅燭調玉潤定四時則上法於堯
齊七政則同符於舜協一歲之作訛成易惟

聖憲天定萬年之暘雨燠寒因時置閏原夫前王之
制歷也裁晝夜之奇零察陰陽之杪忽氣朔別
其盈虛烏兔窮其出沒喪多益寡準二分二至

而必調暑往寒來合里差歲差而罔闕記重逢
之五載可推之萬有千秋驗一閏於三年遂增
為一十三月是以大撓之定策堪稽黃帝之遺
書可証籌人辨玉漏之聲星史視璣衡之應闔
門以居月朔而聽占兩辰於歧指次辨斜升協
再劫於歸竒術參餘贖成歲功於春秋冬夏月
似增而非增酌良法於章部紀元時無定而有
定况逢

聖主當陽元良在位際四月而重光叶

重離而出治斗臨巳午之間日在寶沈之次占芳時
之平準好風好雨之無愆喜

化國之舒長曰肅曰暘之必備調和元氣功能參天
地而三彰信兆民節宣順歲時之四桂華重發
蕙葉再滋香添藕節翠益桐枝階翻紅藥之花
餘春尚殷漏緩銅蓮之響首夏偏遲惟

一人之敬事授民推泰鴻於四氣

厘萬姓而調元定準協乾象於兩儀六府孔修煦育
早周夫萬物九功惟叙交通莫大乎四時良由
恭已無為撫辰有素惟布德行惠之時識省歲惜陰
之故宜乎三靈煜煜以揚休七曜昭昭而順步
籌添甲子天開延壽之花算益春秋人記大椿
之樹喜良辰之正永繼時雍光被以賡歌卜
化宇之延洪傲日升月恒而獻賦

復小而辨於物賦

以題為韻

占來復於繫辭在反修於沕穆憧憧者任其往
來子子者凜茲幽獨坤為外卦後得主而有常
震象內心動以恐而致福五陰方盛立身已迫
於危微一德自持處已詎傷於迷復當夫會元
氣之胚胎兆靈芽於宵眇寒已極而暑未生陰
既盈而陽乃肇啓善端於初九雖來者之可追
奈樹敵者萬千諒受侮而不少縱待朋來无咎

須看積寡成多倘思獨行有功未必為德罔小
正邪或判清濁交馳如一髮而千鈞詎引如一
木而大厦焉支一薰一蕕之形殊難融洽決東
決西之見况又游移疑於陽則戰矣蔽於物則
引之未能拔萃出羣亦可畏也如或隨波逐俗
不其殆而是必明以察機健以致勉時耿耿於
五中且拳拳於一善敦復者无悔方期特立而
獨行體復者下仁無或出王而游衍始識進德

修業道在立誠須知博學慎思功期明辨天君
泰然之候百體從令之初想中懷之朗若任萬
變之紛如峙砥柱於中流江河任下升羲輪於
暘谷星斗皆虛蓋復之機已危乎危矣而辨之
功尤難莫難於乃能客感無權躬修靡迄貧賤
不能移富貴不能訕希聖賢之大道一心永肩
收平治之全功四方無拂此獨立不懼得大生
者乃克生生攸往咸宜惟不物者故能物物也

我

皇上離照無遺

乾行有素仰

盛德之日新知羣倫之景附士有樂道方殷裊躬是
務物與无妄惟好修以為常復以自知終不改
乎此度庶永勵乎媵修而無慚於稟賦

律中仲呂賦 以孟夏之月律中仲呂為題

考儀器於靈臺稽炎辰於月令候氣而四序無訛吹管而八風咸正計東作之興功忽南為之秉政蒼龍體見火方王於天中駭豕音流灰又飛於夏孟原夫律者為萬事之本根順五聲而變化筭協月則寒暑相推葭應期而陰陽代謝用三分為損益為君者官自能該隔八位以調均召呂者律原可借百昌修潔姑洗方驗於三

春六氣宣舒仲呂已調於九夏惟茲仲呂說者
異詞或則謂六寸有六或則謂六寸有奇應坤
卦上六之位當乾元用九之時化工之默運無
痕已是風之薰矣天籟之飛來有準殆如雷以
動之斯時也物象相生氣機蓬勃惟剛長之既
窮知氣盈而必闕正陽甫屆方將順暑暘而布
歲和獨陽不生何以揚沉伏而黜散越則增高
繼長物雖盛於長羸特分氣和聲令必愆於余

月矣豈知風乍來薰日方在畢機已轉於筠簞
律可徵於緹室呂者助也助陽氣之和平呂以
拒之拒乾剛之洋溢生自無射之母聲發外而
立均合乎夷則之宮氣從中而協律星駘飛鶉
官參司鳳如候至於炭懸如測寒於瓶凍啟姤
爻之初七陰氣潛萌繼夫月之重三陽光遞送
想歲華之激箭過而不留本天道之張弓發而
皆中至若小呂殊稱春官可諷酉仲戌仲之義

通大呂南呂之名衆宣氣齊物孟堅則言可參
稽旅陽成功高誘則注非鑿空數六同而處殿
循環起以貞元在三間而居中順次居然伯仲
方今

天子律度章身

中和啓緒

玉燭調辰

珠囊紀序長養方殷陰陽攸叙翼中昴見五星之躔

度無差蔓秀瓜生庶彙之句萌得所

端辰樞而布化察荃宰以璣衡

撫丙御以當陽鞏

蘿園於鐘呂

四月秀萸賦

以題為韻

梅熟雨兮夏長麥堆雲兮秋至有萸草之向榮
屈純陽之用事茁一叢之碧幹有味非甘吐幾
朶之紅葩無香自媚藉南薰而早秀微物時成
感陽氣之潛萌生機已遂經披本草品儕乎九
實五華譜記名花候異乎桃三李四徒觀夫芍
藥時闌芙蓉始發靡草已凋蕙芳未歇羣生茂
豫猶天氣之清和繞屋扶疎纔林容之蓬勃指

繁花於遠志傾比葵心愛弱態之含姿低侵苔
髮攢青積翠迨將長養乎梅風落實取材應俟
收功於桂月豈知日麗正陽天開永晝半弓則
地闢膏腴下尺則霖滋深透靈芽茁處葉葉初
肥弱幹搖來亭亭獨茂吐赤花之旖旎蒞一簇
而榴明變黃葉之葳蕤枝幾攢而竹瘦配取籠
中參朮正當蓄藥之時迥殊隴上禾麻僅是分
秧之候成當首夏不教半夏以偕生品佐仙芝

宛尔五芝之含秀所以王蕡則康成註異蕪菟
則爾雅名標迎涼性別益智功昭百六種名載
軒經味舍火德三十里遠生珠澤藹綻紅綃數
月榮枯劉向之言可証一般出處郝隆之舌徒
饒誌物候於幽風待聽鳴蜩之嘒嘒成歲功於
余月先看豐草之萋萋若夫摘苦菓於園林綴
甘瓜於村路獻繭則蠶事將終登麥則農田畢
赴皆徵月令之無愆同此桐生之有數並卜雙

岐九穗見庶彙之蕃滋十雨五風皆

聖恩之布濩竊愧材非翹秀藉小草以陳詞且同菜

號吉祥進

大廷而奏賦

王瓜生賦

以孟夏之月王瓜乃生為韻

登麥聞歌秀萼入詠徵瓜事於田家誌生機於
月令經兩三之梅雨蔓引青垂過廿四之棟風
葉披綠淨未卜形呈颺脫課老圃之畦丁已看
徑剪蓬麻茁良苗於夏孟原夫王瓜之為物也
狸首類殊虎蟠名亞味美如飴漿鮮奪蔗金榮
啖啖爛文貝兮何多玉美離離嚼冰霜而無價
扑鼻重馨香之選待熟三庚鎮心當誦讀之餘

堪消九夏然而薰風未拂春雨才施土脉蘇兮
已潤陽氣盛兮方滋傍桑陰而學種接豆架以
頻支並禾黍以同生維其有矣當紉締之未御
詎曰華之於時林綠初肥花紅始歇鱗塍正事
乎播琴鳩雨又資其滑笏遂乃紺葉紛披碧芽
發越千條弱蔓已看綠影鋪雲一帶疎籬尚待
青筍彎月畦畦布秀處處含芳如禾則分行忌
密共草而引帶初長豈冰谷之移來葉千層而

含素見土芝之開處花一色而綻黃迥非籬落
空懸原殊瓠子堪笑牡丹不實枉說花王迨夫
飭盤欲薦秀颯爭誇切玉而香才盈手分肌而
脆不粘牙露碗摘來何妨苦蒂筠籠携去猶帶
疎花偕綺葱琅菜以同登已及三秋嘗麥先霜
薤露葵而可折何須七月食瓜彼夫黃菟之註
堪稽革挈之稱自在詠艷雖屬沿訛王萸亦無
可采究之火德初明春陽乍改紀物候之鮮妍

徧原田之爽塏亦堪釀酒味不改於如何漸可
剥菹羹許調乎不乃至若玉實金漿之品密筭
黃猷之名龍蹄色異羊髓形呈均別稱於蔴種
紛茁秀於長羸誌品物於園官落實先登之
楓陞佐食單於膳宰進鮮獨早乎芸生

學古入官賦

以學千古訓乃有獲為韻

將欲典重弓招恩邀旌擢佐治理於隆平抒才
華之卓犖則必法先民宗先覺訓守其常理探
其朔先道德而後文章敦詩書而悅禮樂蓋言
揚事舉朝廷以九德論官故成俗化民君子重
十年幼學也昔成王之政立仰前代而命敷誥
爾百辟卿士戒之三事大夫以為古也有志學
可愈愚道開軒頊治炳唐虞遠攷乎湯盤夏貢

近思乎武烈文謨洵千秋所獨出為一日不可
無予敷心腹腎腸官待賢材而任也臣作股肱
耳目學宜終始而典于况夫畀以敷文賴之奮
武臯稷贊襄夔龍黻黼旬宣者倚若屏藩獻替
者期之夾輔用智用仁用勇舉能其官立德立
言立功事惟師古當其遜志乘時近思切問念
矢藏修情非謏聞衣裳則學校躬端俎豆則名
山志奮霖雨繫蒼生之望言有大而非誇蒹葭

深白露之思人不知而不愠眼高四海終期論
道而經邦胸著千年亦既宅心而知訓迨夫委
贄策名服休若采入政府而秉絲綸入堂陛而
思鼎鼐爰置諸其左右君方望以伊周用勵相
我國家臣已升乎元凱收明聽翼為之彥德則
稱其具鹽梅舟楫之才猷應遠乃或師保而凝
丞或後先而奔走非仁義不陳於前有謀猷則
告於后以古為鑑能斷能謀與古為徒有為有

守本清慎勤以為吏知受祿之不誣通天地人
謂之儒於從政乎何有

皇上恩被藝林材求珍席莫不肅官常而大法小廉
循古制而論思集益

聖由天縱猶勤乙夜之觀士貴經明敢忘酉山之集
學如不及猶恐失瑤函宜肆其研覃官不必備
惟其人珊網盡歸乎弋獲

六事庶為本賦以題為韻

聖天子籲俊尊賢

達聰明目哲在知人

恩隆錫福外則任重屏藩內則權崇岳牧既儋爵而
析圭復懷符而分祿清原正本惟

一人不懈益虔大法小庶期百尔無替厥服稽良規
於虞帝考績則歲已登三溯遺制於周官弊吏
則事還計六爰有小宰專司天官詳記考稽董

之大臣殿最示乎羣吏兵農錢穀責其司水火
工虞分其寄三風十愆之訓務期精白乃心八
成六屬之司宜勵澄清之志已既詔督有典祿
足以代其耕莫教無德而貪食焉而怠其事觀
其事之有六也善由德積能必智兼敬抑抑其
可象正岩岩其載瞻法則戰兢是守辨則明察
無嫌人有一長本一身為拜獻職分衆任集衆
務之洪纖然而驥惟展足之時期吾

君以亮工熙績象有焚身之戒必律已於玉潔霜嚴
故重司馬之三升與廉必先於舉孝凜益謨之
九德直溫更繼以簡廉善者不廉則偽能者不
廉則欺敬不廉者終情正不廉者必敬或法度
是程不廉而能巧取或明辨以晰不廉而自營
私揆其事之多疎鄰於末俗必其本之未立壞
於始基是雖材氣無雙喜事適足以僨事疇則
治平第一不為而後可有為道在助廉此謂知

本冰霜見操履之高圭璧見風期之遠政善者
酌水以勵清人能者封金而思返故恭凜十手
之加正大見四知之悃法能行乎權要拔薤堪
思辨先杜乎苞苴選錢何損想堂廉之肅穆不
事夤緣惟源本之澄清彌昭誠懇以六事觀衆
職用能收萬傑千英以一廉蒞庶民斯不愧箕
霖嶽衮也方

今治贊夔龍班聯鷓鷥莫不矢霜雪之丹忱感風雲

之

寵遇坎坎者維心之亨蹇蹇者匪躬之故尤復
論戒侈驕俗期樸素

制度立千秋之本典邁唐風

頒祿養百尔之庶

恩濃湛露共擬立功立德羣邀朱紱之占方期去偽
去貪同凜素餐之賦

釋奠于學賦 以二月上丁釋奠于學為韻

皇帝御極之九年

文教遐宣

武功告備八紘同孟覆之安六寓頌砥平之治雖

聖德之彌綸猶

宸衷之醴粹昔

御金門而訊馘武於文為止戈今

詣太學以告功祀與戎為大事天河甲洗已逾魚海

三千泮水鼓徵不侈

龍儀十二時則雨水初零桃花競發燕睇香泥鶯鳴
茂樾筮丁卯而吉蠲協寅恭於典謁掌禮則宗
伯惟虔辨位則司儀罔越潔秬鬯之甘芳賦牲
牲之肥膾齎盛省於東膠鹵簿陳於

北闕天鷄詔旦鼓鐘聲徹雲霄寶象齊班旂旒光聯
日月少焉朝旭溫暾惠風和暢雲集華簪霧排
綺障

天子乃御禮輿衛仙仗芝蓋花飛春旂柳颺鷓鷯偕
從貔貅相向當夫

警蹕徐來宮牆遠望目未睹乎圭璋身未親乎鬱鬯
而我

后之夔夔蚺蚺允恭克讓固已

敬誠倍致神馳乎杏檜壇邊

欽饗兼申心契乎金絲堂上奉盥巾於大次升羽籥
於中庭其禮器則康侯鼎列召仲簋銘盟簋照

爛子爵晶煑刻壺觚以雷飾陳尊壘之犧形其
樂器則皇琴疏越帝瑟清泠鐘比鱗次簫排鳳
翎朱干玉戚之並列夔球虎敵之交聆備宮懸
於九奏緬俎豆於千齡蓋不僅繁芳潦潔椒糝
蘭馨洗第誇乎瑤玉貞徒識乎癸丁矣

上乃洞屬有形肅雍無斁初獻亞獻終獻之禮奉爵
筐者罔愆宣平秩平叙平之章聽笙鏞而有憚
戰則克而祭受福

一人之聖量原符武備具而文教修千古之

皇風不易擬崆峒之問道惟

德盛者禮恭仰洙泗以尊

師倍神凝而形釋臣觀古者之詣太學也漢隆觀聽

之風隋集試書之彥魏文之幸學偶傳梁武之

臨雍僅見或刊太學之儀文或遣青宮而游讌

然不過飾講席之周旋循成規於盥薦讀元祐

之制空傳再拜之文誦貞觀之詩徒記兩楹之

莫豈如我

皇上恩覃日出

威洽海隅靖花門之鯨浪銷蔥嶺之狼弧功銘鐵蓋
之峯高鏤麟碣亭勒玉碑之字穩建龜蚨然後
圖形麟閣講藝鴻都升馨香於

至聖修禮樂於名儒遂使褒鄂弓刀之侶欣荆鞋鞞
之夫莫不雍容尔足怵舞歡呼蹈德會和沐

聖化者襲乎鼓矣下歌上舞忘

帝力而前者唱于繼自今學校休明士風淳慤菁莪
誌詠於優游棫樸儲才於追琢睹秀髦之鼓篋
功勉後生達

胥蟹於豆籩

道尊先覺豈止龍韜虎節千秋式偃武之風且看烏
澣狼荒四表誦同文之學

耨田賦 以日練吉亥為農祈社為韻

懿

聖主之劭農

歷田功而欽恤歲已頒夫屢豐

心每矢於無逸八政之首曰食禮重民天一年之計

在春典推吉日肇茲穡事占千萬載稼穡之登

示以

躬耕為億兆人耕耘之率稽古耨田之為制也一墾

是先九推必徧青箱紅鞞之燦陳黛耜紺轅之
絢練一人孝敬備祀事之齎盛百爾追陪勵農
功於郡縣溯成謨於三代隆儀特重以春郊當
御極之七年嘉禮又瞻於芳甸時則元巳啟辰姑洗
司律木德延禧歲陽積吉清明冷風之外花暖
草薰瞻蒲望杏之時紅交綠密晨燈星燦知

瑤仗之徐來宿衛雲稠識

珠旒之將出當夫詞官詔禮而戒辰太史占耕而用

亥肅肅前驅
峩峩咸在川湧而行
山峙以待鳴
鸞之度必恭
振鸞之容無改
天鷄曙旦曉風送
鐘鼓之音仗馬齊班
初日射羽旄之彩

天子乃御龍衣
駕鸞駟
躡星驅排雲騎
七萃戒塗八
神翼繼祥烟不散
近飛豹尾之間
瑞草常生
遙捧

鳳輿而至知

乾行所以省功而

警蹕原非自為也爾乃饗

青壇而燎火徹移

翠輦而露華濃奏金鼓之坎坎歌禾辭者喁喁旗
麾三而招颺

推加一以雍容未及於卿尹終之以耆農先公田而
後私田嘉種誕降澤下尺而生上尺膏雨恰逢
蓋自奉鞭進耒以次相從莫不鏘鏘濟濟以終
畝而恪恭彼夫刻木式為令典灌畦景乎前徽

或立麥殿於千畝或闢玉津之四圍手種數區
唐帝深維國本親耕七曲宋君念切民依然而
始之勤也信美終之怠也交譏孰若我

皇上四推著令

一德虔祈宜九穀之報享為百代之所稀也既而
法駕廻鑾屬車循軌

澤洽垓埏歡騰閭里用是祇迓蕃釐永膺多祉五風
十雨即看玉燭之調萬斛千箱預兆金穰之喜

豈徒誇春旗拂柳靄祥雲於東陌西阡芝蓋飛
花耀晴日於嫣紅姹紫也哉

薛稷吟館鈔存

卷下目錄

平定回疆剿擒逆裔賦

以題為韻

謹序

雲臺二十八將賦

以感會風雲奮其智勇為韻

金人三緘賦

以古之慎言人也為韻

鯤化為鵬賦

以不知其幾千里也為韻

濠上觀魚賦

以莊惠同遊知魚之樂為韻

擬顏延年赭白馬賦

以題為韻

擬張鼎歌器賦 以題為韻

柳花賦 以春城無處不飛花為韻

簫聲吹暖賣餠天賦 以題為韻

茶聲賦 以竹爐湯沸火初紅為韻

書帶草賦 以綠滿窻前草不除為韻

榮鞠樹麥賦 以鞠有黃華乃鞠種麥為韻

浣花草堂賦 以杜少陵浣花草堂為韻

擬庾子山小園賦 以桐間露落柳下風來為韻

避暑山莊賦

薛蘇吟館鈔存

臨潢 柏陵

平定回疆剿擒逆裔賦

以題為韻

章格爾者和卓木墨特遺種也乾隆年間逆祖
波羅泥都隨霍集占據葉爾羌以叛

高宗純皇帝天威遠播式廓回疆今

上御極之六年章逆復煽妖氛四城擾動

皇帝恭行天討曾未期年大憝就擒繫俘

闕下洵足以紹

徽猷而昭

聖武矣臣讀書

中秘幸際

盛時吮墨含毫意在闡揚

仁孝至其蕩平之端末載於方策不克備書其詞曰

景神靈於往古偉撻伐之英聲法春生與秋殺

期禁暴而戢兵武功既暢文治斯行然而丹蒲

堯勲豈由纘祖阪泉軒德未事遐征求其克承
駿烈永保鴻名仁則神武而不殺孝則繼緒而
有成東西南朔同我太平復乎尚哉邁千葉而
莫與京者則惟

天子之聖明稽波羅泥都之初叛也以準噶爾之纍
囚恃霍集占之姦佞背再生之

大恩忘瀕死之前証脇彼各城肆其昏悞

高宗純皇帝簡元戎蒐卒乘分兩路以陳師自

九重而決勝伊洱河北暫假魂遊拔達山西已聞響應
纔二紀而蒲海全清逾萬里而莎車底定迄今
七十餘年無不納賚獻琛俯焉退聽玉關以西
達康莊而縣亘迨我

皇之仁聖清晏徧乎九垓

澤周出日

化洽無雷井鉞參旗

壹戎衣而曾清畿甸星源月竈二萬里而共樂春臺

彼阿拉巴圖之賤族乃薩木薩克之餘灰藉安
集延為牙爪結布魯特之姦回潛聚花門之種
偷窺蔥嶺之隈長驅而入波湧潮來賊王臣於
雁塞梗天路於雲堆逞萬騎之蹂躪悵四城之

傾頽

帝赫斯怒爰整戎行監

皇祖之成憲申薄伐之舊章

遣大廷之元老隨侍衛之材良

申軍令於虎旅

授兵機於豹囊健銳修矛而踴躍索倫負弩而趨蹌
出車彭彭旗旒央央則大將軍之威揚也止齊
井井旗鼓堂堂則衆卒旅之知方也占地水而
田禽利執指天山而沙草蒼茫邊月彎兮挽神
臂火雲起兮響佛郎再勝於渾巴之水進攻夫
瓦特之莊電掃千羣盡挾白題之窟月馳三捷
復收赤縣之疆雖蜂屯而蟻聚仍豕突而鷓張

聲既驚乎風鶴焰已暗於星狼然而雉帶箭以
遠颺虎負嶠而深窵什克南手縛蕃囚帕爾西
躬為偵瞭縱伯克之輸誠尚渠魁之未剿

皇上重頒全勝之韜鈴

詔凱旋乎旗旒顯以示善後之防維隱以息當前之
震擾何燕幕之忘危奮螳鋒之復矯我兵乃捲
甲齊驅銜枚四繞八門方合笑看鑽紙之蠅一
鼓成擒已作入籠之鳥遂使火山冰嶺之間魚

海龍沙之表千里塵清一天日曉占良辰於除
夕正元惡之收祲烽烟淨而執盆霽霽凱歌唱
而鐃鼓欽欽馳紅旗於遠徼達丹牋於

上林斯時也火城乍列月夜未深鼇駕山而金炬
燦鳳扶

輦而翠華臨四野歡聲忽報崑崙之奪三更燈彩喜
聞頡利之擒肅鷁班於百爾仰

天顏之惜惜

椒殿先傳乎吉語

楓宸爰沛乎德音蓋自勤勞

宵旰一載於今正陽春之可樂允足以上慰乎

聖心夫迫困獸而入幽深者難語於經畫也舍窮鱗而示寬仁者非所為討逆也當其被彈亡羣驚弓斂翮鋌而走險急何能擇威不足以洗心功久稽於猷馘西陲之事終未厭於兵革也

皇上明鏡未形成宣有赫以縱為擒不勞而獲故克

奏乎膚功皆祇承乎

廟策當日神槍電發

智勇嘉予於

仁宗今茲

武烈雷行方畧懋昭於簡冊迪

烈聖之前光邁累朝之開闢雖黃帝除涿鹿之殘重華

致有苗之格商振鬼方之威周禡玃狁之魄並

彪炳於寰區難軒輊夫今昔迨至徵到檻車獻

俘致祭歸善

祖

宗告功

天帝鯨鯢既戮於藁街豺虎遠投其苗裔猶且

郤魏煥之崇稱

遵顯揚之典制晉號

璇宮

推恩一世肅

羣神而致禮有加

賞五等而酬庸罔替厚將旅之口糧蠲閭閻之賦稅
所由祥風洽而永靖瑯戈協氣流而屢占豐歲
豈止勒鐵蓋之殊勲仰金泥之

御製始知

聖量之乃武乃文

孝思之善述善繼也哉小臣敬聞凱奏之來宜有頌
聲之作謹拜手稽首而獻頌曰我

皇神武本天賦兮六宇恬熙遵道路兮蠢爾回夷外
雨露兮我出我車遠收捕兮執訊獲醜義聲布兮天
方天堂胥內附兮大武之歌紹朱鷺兮豈以耀

兵

七德務兮纘

緒凝麻金湯固兮億萬斯年延

洪祚兮

雲臺二十八將賦

以感會風雲奮其智勇為韻

漢光武大度包荒羣材延攬起白水而望孚推
赤心而人感依真主則附鳳攀龍效忠忱則猿
肱燕領宅帝位者三十三載漢官重睹威儀典
義兵於二十八齡上將無非勇敢當日雲霄得
路馳姓字於九垓異時臺閣圖形煥丹青於一
覽稽夫銅馬猖狂赤眉狡獪一主英明四方和
會朝豎柱天都部之幢幕隨破虜將軍之旆聚

猛士如風雲埽羣雄如埃壘四七際赤符應瑞
度帝王之有真一二年火德重興合夷夏而無
外在永平之三載統海宇以澄清旌建武之元
勲起雲臺而圖繪斯臺也近依北闕高峙南宮
制殊承露迹掩歌風八綺窻以窳窳四朱戶以
玲瓏烟下出以梯碧日旁飛而影紅非書雲以
上躋雷迴霞駁異齊雲之特起歛霧開虹百九
十載之中興迥出千秋之上二十八人之偉績

繪來一室之中觀夫鄧高密一師有律吳廣平
八戰維勤膠東侯之威重征南公之盛勲我思
征虜民借寇君弇則北道地主異則大樹將軍
二劉附乎國姓二俊蕩乎塵氛下至杜堅朱姚
之智力李景萬蓋之溫文王霸王梁之鞅俗馬
成馬武之超羣破邯鄲而邳任力共靖盜賊而
臧耿兵分莫不後先繼美上下交欣天將降任
於是人心如金石君不借才於異代氣薄天雲

宜其闢名疆收鉅郡膺懋官馳令聞比十八侯
之位次名高於樊噲灌嬰擬十六族之登庸數
倍於仲堪伯奮如三十輻之共轂克馳驟乎地
維如廿八宿之拱辰同幹旋乎天運摹精神之
雄傑四壁傳真紀功業之崇隆萬年垂訓後之
覽者象或觀其謂天才之衆著實星宿之下垂
例以蕭何應昴傳說生箕未之詳也容或有之
况乎四輔七公實具旋乾轉坤之用千英萬傑

宜有萬生嶽降之奇即看名列彤廷極人間之
顯赫無異光騰紫府繞天上而陸離然而賞功
者出政之經繪像者愛賢之至既示公心詎參
私意彼新息之忠誠亦夏陽之儔類他如卓茂
同增位者四人豈以文淵未褒名於一字倘謂
椒房至戚莫與爭功竊疑楓陛銘勲何如其智
斯前代之矯情啓後人之異議者也未若我

皇上德美聖神

性成智勇政典持平

酬庸特重公侯則與

國咸休將士亦承

天之寵擎來

丹詔二萬里邊徼歸心圖向

紫光四十臣後先接踵偃

靈臺之戈甲將億載以銷兵登春臺者黎元頌

一人之垂拱

金人三緘賦

以古之慎言人也為韻

前王垂逸口之箴後聖識誨人之矩當周廟之
來游忽金人之乍覩鬚眉畢現俾目觸而心驚
告語如聞莫舌搖而唇鼓言不可逝矣明示三
緘人當如是乎昭茲千古蓋古人之慎言也詩
賡慎話易釋脩辭時深惕若每切念茲猶虞銘
鑑銘盤括六經而未盡爰俾形成象勒數字
而堪思標聲價於雙南昭其珍重寫昂藏之七

尺攝以威儀人有同然故象人而用也金原可
鑠乃鑄金以事之當夫履陛而登攝齊以進非
入夢之逢周豈於牆而見舜何默爾而當前乃
毅然而坐鎮人憶羲皇以上搏土之象俄看地
非伊洛之濱捧劍之形細認腸應非鐵經百鍊
以陶鎔口總如瓶見一生之淑慎而况三緘宛
在一語猶存擬三命而益恭身原自儻諒三思
而後語舌豈終捫撫銘而如復白圭冀虛懷之

善納入座而如逢益友詎忠告之憚煩有立監
佐史之形宛踐形而逼肖繹後甲先庚之意自
得意而忘言人原默默誨甚諄諄義徵視履事
等書紳凜十目十手之加學於古訓雖一話一
言之細法必先民試看珠彩星光作範而反觀
於我何待師箴蒙誦行庭而如見其人士有語
恥雷同道存風雅惟躁妄之胥捐冀悔尤之可
寡雕同宰我人向

化而共慎樞機鑄畫顏淵金在鎔而羣歸

陶冶仰

煥乎之治九小民無得而稱焉誦

大哉之言非

聖人其誰與歸也

鯤化為鵬賦以不知其幾千里也為韻

物有掉尾滄溟負形魁嶇未肆志於鳥伸方潛
身而夔屈何縱壑之徜徉忽飛空而悅歛波乍
見其軒然羅早辭於服不雲霄一羽遙乘天上
之風瀛海千尋頓變池中之物此逍遙遊之寓
言莊子休得之髣髴者也原夫鯤者跡匿北溟
之澤質殊東海之鯀奮鬣而烟歎霧欲揚鬣而
電掣颯馳同跋浪之鯨乘濤去後躍想登門

之鯉帶雨來時變擬蛟龍待風雲之有合志如
鴻鵠笑燕雀之安知若夫鵬也者扇其風翮奮
為雲儀曾修翎於蓬閭偶息影於天池聲振三
霄詎遂託身於海若高翔千仞仍教比類於佳
其豈期出水之鱗變化見矣竟有凌雲之翼鼓
舞乘之海運方興長風增飄燦鱗甲之陸離動
烟雲之變飄乍睹千層破浪指天外以騰身居
然兩翮生風笑泥中之曳尾不待伐毛洗髓頃

刻凌虛試看擊水拏雲同行有幾及乎騰碧漢
捲蒼烟勢盤薄羽聯翩趁扶搖而直上方凌厲
以無前半空紛其灑雨一翼舉而垂天低四海
以翱翔昂頭寰外望三山而棲息振翅雲邊徒
看頭角崢嶸訝乘風兮九萬豈識羽毛豐滿先
激水兮三千彼夫鼠化鴛而在田雉化蜃而入
水得氣則化鷹之鳩乘時則化龍之鯉曷若此
倏爾雲隨勃然浪起不待監侯之澤高出九淵

疑乘御寇之風遠飛萬里妙契鳶魚之化驚河
漢之懸殊嗤他蜩鷲何為捨榆枋而已止是知
蟲則能蟲馬寔非馬語同近於詼諧旨無傷於
雋雅方今

無為成象百爾則鶴鷺隨班

聖化龐鴻四靈則龍麟在野固已祥占梧鳳得其所
哉莫教誚等并鼃拘於墟也

濠上觀魚賦 以莊惠同遊知魚之樂為韻

誌微言於秋水發妙理於蒙莊覽生機之活潑
屬人意之徜徉任天而動在水一方想夢蝶之
初醒情移泉石問化鯤於何處路指滄浪得其
所哉當荇藻橫斜之下信可樂也認烟波浩渺
之鄉想其偕惠子而來也蜩甲生涯鷦枝身世
支策閒行據梧小憩供流連於山水何慮何營
時放浪於形骸不夷不惠如昭文之未鼓成虧

消默爾之間似禦寇之御風爽適在泠然之際
已而臨濠水暢幽衷濯清浪追涼風一水拖碧
雙橋駕虹雲影天光寫空明於川上山容樹態
涵遠近於波中物與我而皆忘會心自遠吾與
子所共適佳興應同蓋未睹織鱗之不隔而已
覺樂意之無窮乃有從容澆灑三兩沉浮水梭
一擲雪片雙遊或依淺渚或躍清流戲蓮葉之
東西紅新萬頃穿萍花兮上下白小千頭儼居

天地之寬詎假監河侯之水大有江湖之趣不
驚任公子之釣然而飛沫跳波之態揚鬣鼓鬣
之姿來何為乎如慕去何為乎如疑其躍淵也
何洋洋而自得其潛沼也何圉圉而自怡予欲
無言相視而心方莫逆水真可樂欲問而魚又
何知時則莊方莞爾惠亦怡如指鱗宗之呀呷
愛意態之安舒言循其本理課於虛我與我為
周旋原相忘於爾汝蟲能蟲而幻悟聊結契於

人魚幾如蜩鷲之嘲志惟控地莫類并鼃之見
語總拘墟是知雲卧天行之妙水流花放之奇
海濶天空之境鳶飛魚躍之時孰主張是孰鼓
舞之感以物者方心稽而物化和以天者自神
動而天隨即此唵喁幾隊蕩漾一陂信樂意之
相關知其所止驗化機之不息逝者如斯要之
道本妙於希夷境終隣於隱約孰如

聖量舍宏

恩波浩博四靈獻其嘉祥萬物徵其咸若睹澄源之

活水洵符

大智之至深舉蠕動而歧行已洽羣生於極樂彼園
吏之寓言何虛無之是託也哉

擬顏延年赭白馬賦

以題為韻

受精皎月天垂房駟之紀馬賦質龍媒地有余
吾之水焉故其天骨超俊不可模擬或赤鬣而
縞身或綠毛而黃耳麟超鳳翥龍步虎視應時
而生擇地而止蓋太一之呈材維君子之所使
粵皇宋之興也二十二載圖易思艱恩銜北狄
威捷南蠻東曜銀海西盪雪山靈物薦臻遍於
九寰越裳奉雉王母獻環素鳥沂江而來庭白

鹿踰海而款關厥有赭白待御天閑騰九花而
沛艾出一隊以雍嫺斯上帝之報享庸愉悅乎
聖顏彼夫僕尾童髮文臂花肩考周牧之赤鬣
服秦車以白顛八駿則周穆備矣九良則漢文
有焉然而紫燕翠駮曾不留延空感觸於歌詠
時想像乎簡編孰若茲馬稟氣靈淵當龍種歸
徠之日正一人受命之年骨必殊貌態有餘妍
頷則銀花互耀脊則赤玉相鮮聳一身以翻錦

若文虬之蜿蜒奮四蹄而飛練若皓鶴之蹁躚
振嘶風嘯晚影雲旋既雄且傑一往無前雖同
質於駟馱羌力備而德全當夫御金根於帝閑
稅朱輪於大野華蓋前飛白旄右把林木蔚然
而槎枒川原繚然而豁聞鼓霧鬣與風鬣曾鞭
笞之不假朝維昆吾之墟夕秣扶桑之下沫不
流朱汗無飛赭誠天下之雋乘乎渺斯世無其
儔也至若林老秋紅山高曉碧屬車雷驚儀從

霧集列陣之士萬重閱武之臺千尺駢為天子
之黃鵠是曹家之白控玉勒而權竒飾金鞍而
綈赫矩步規翔烟開霞闢忽電掣而星馳獨無
聲而絕迹斯時也皇情怡聖心寫隆禮樂厚施
舍歌投頌吹合雅酒正獻杯司筵薦筍詔彼倌
人式昭銅馬載求就芻爰廣夏庠俾沒齒於天
年洵遭逢之特寡用是天人宴安閭澤遐布座
陳虞人之箴瞽誦禽荒之句擴駸褒於鼓車服

元駒於寶輅樂御德輿聲律身度所寶惟賢宏
我皇祚豈比夫龍媒驥子之歌羽獵長楊之賦
寫鬃尾之蕭梢誇馳驅於騁騫也哉

擬張鼎欹器賦 以題為韻

器與道同名由義起人以謙而受益物因虛而致美繫小道之可觀信醇修之足擬形而下者謂之器觸目使之警心神而明之存乎人即物可以窮理昔孔子來遊周廟景仰帝鄉見夫簠簋之列鐘虞之旁有一器焉左低右昂象不巽而不盜制疑夏而疑商器以小而易盈體同孟仰器以虛而能受口異箕張識者曰是欹器也

非玉瓚之盛漿非瓦杯之酌茗銘匪薦於銅盤
歌無侈乎寶鼎雖受水之無多監覆舟之可並
中則能正高下貴乎在心滿則必傾過涉譏其
滅頂懸原若磬漏不如卮即泉清而源活試挹
彼而注茲斟酌於一勺有餘衡之平也恰無偏
倚請益而幾番無厭量之盈者立見傾危未能
綽綽有容全身覆敗何若空空無物半面斜欹
觀其垂誠之形大有持躬之意理可通覆餗之

占明不待挈瓶之智惟謙卑而反類偏頗畸重
輕而遂形顛墜曾不留夫涓滴全失金玉之材
宜深怵夫滿盈莫效斗筲之器士也品重銘恭
學期葆素有孚占盈缶之爻知恥誦羸瓶之句
况宥座之在茲繹韓詩而有悟溯奉命循牆之
義惟好修以為常比捧盈執玉之思終不改乎
此度觀天道之益謙將以自全其天賦

柳花賦

以春城無處不飛花為韻

灞之岸兮江之濱望復望兮韶景新柳芽眠兮
條短花爛漫兮枝勻聞南國之羣芳妝成銀粉
舞東風兮無力夢冷香塵萬架攙烟纔作一庭
之絮六橋蘸水初烘三月之春節近清明柔荑
始生碧玉芽嫩黃金縷輕燕剪鶯簧枝上數聲
鳥喚鞭絲帽影堤邊幾處人行未看織帶低垂
陰濃翠幄乍見飛球繚亂香滿金城則有依依

漢苑濯濯天衢垂青有眼栽碧生鬚脫幾縷之
木棉欲辭弱幹開千枝之金粟半綴芳株影飄
泊以隨風空青似墮態翳鬆而聚雪淡白疑無
當夫庭院絲柔軒窓日曙嫩比芹絲軟同蘆絮
羶鋪碧於苔堦粉含香於芸署午晴檐角罨蛛
網以黏時夕霽牆頭隨燕泥而銜去撲簾旌之
一桁院落無人堆墀廡兮千層樓臺何處又若
郭外繽紛村前縈拂混薄霧之濛濛趁飄風之

弗弗傍長亭兮遠近落亦無言暮官渡兮婆娑
歌思有苑名分香國萼跗則此際輕盈影絆橫
塘萍跡則當年彷彿迷紅塵於夾道偏其反而
逐紫陌之遊人歸與胡不他若藹舒綠錦朶染
紅緋枝間霞燦林畔烟霏凡名花之旖旎襯弱
柳之依稀挂酒旆以絲絲斜停畫舫落硯池而
點點低入書幃半逕斜陽閒看兒童之捉漫天
密雪緩隨蜂蝶之飛羃歷交加山邊水涯掃八

分之螺黛絢百五之韶華漫矜媚紫嫣紅春光
艷冶別見縈青繚白風度歌斜曉月林亭霏集
梁王之館晚烟門巷雲深陶令之家况乎

龍池晝暖雞樹春賒記

太液之三眠人原號柳繪

皇州之八景筆想生花

簫聲吹暖賣錫天賦

以題為韻

蝶板初試鶯簧乍調竹邊雪盡池上冰消賣花
來於村巷挑菜過乎溪橋聽春聲之何處趁冷
節於今朝賽社人歸奏罷冬冬之鼓賣錫聲起
吹來處處之簫時則饑饉乍製糗粬新成一爐
火活幾縷烟輕匙濃沃雪餅暖調笙紅撓杏酪
碧餽榆羹擔出半肩叫破秦樓之夢音偕三弄
遙傳吳市之聲風柔節曼日麗行遲紅牙雙拍

白瑄一枝珠拋圓滑玉擲參差亦宮亦徵疑竹
疑絲村隱酒帘之外寺喧茶鼓之時傳花底之
紅情杏林雨過穿堤邊之綠影柳陌風吹猶憶
律轉筠簫陽回葭管焚尾三杯膠牙一盃看燈
則烟火宵明鬪草則踏歌聲滿倚棹吟長凭欄
漏短逗春陰於一院試桃扇而猶寒留斜日於
半簾換杏衫而未暖茲則風信頻更花朝已屆
尋芳而屐齒香黏沽酒而杖頭錢掛說餅徵詩

行歌入畫聞嘹亮之數聲送陽和之一派穿來
烟雨樓臺踏徧鶯花世界擔肩頭之風味紫韻
輕吹生口角之春光紅腔喚賣遂覺寒消料峭
暖近清明棠梨野館楊柳春城短簑處處高唱
行行應松龕之粥鼓雜苔院之風箏判百五日
之年光燧將改火數廿四橋之烟景審正調飭
又况櫻桃斜日榆柳新烟撩人巷外酌我尊前
聆餘音之清脆寫春色之鮮妍韻流石破響激

珠圓奏出紅么之調買須白打之錢直疑一曲
吹來溫生黍谷如向三春賣去暖近梅天方今
鳳禁晴多

龍池春煦玉琯時調金甌永固足衣食於四方聽
謳歌於一路吟成朱鷺應同饒吹之聲韻叶彩
鸞願奏洞簫之賦

茶聲賦 以竹爐湯沸火初紅為韻

茶隱餘閒花風散馥薜鉞方安茗芽未熟停座
上之吟哦靜門前之剝啄忽有新聲傳來老屋
急管繁絃合琴總筑不待獻來茶鼓水試吳淞
宛然奏出瓶笙爐然楚竹原夫品珍顧堵名列
高盧露芽帶雨雀舌合腴一串而香浮於乳半
甌而味滑於酥料應酒渴難禁甘思雪椀好是
詩清待飲煖扇風爐時則茗園春嫩花塢泉香

火調文武葉擷旗槍數片而雲英爭簇半鐺之
雨脚細颺碾出花蕞乍試龍芽之品聽來石鼎
初喧蠓眼之湯黃雪飄纔綠雲濃未清韻幾聲
碧波百沸異擊鉢以悠揚訝吹簫而髣髴微參
煨栗之音時雜燒蘭之味風來乍散送四座之
繁聲室靜逾清添一庭之香氣則有抱膝長吟
支頤小坐非絲竹之出壁中非金石之調席左
和瀉澗之紅泉雜吟風之紫筇松林焙處譜來

一曲松風槐葉淘餘釀出滿爐槐火將七椀以
誇伊且三杯而酌我黑甜醒後白墮傾初盟偕
陸羽渴解相如兩腋而涼生習習片時而香噉
徐徐琴傳流水之音方手揮而目送詩夢石泉
之句諒倡汝而和予信足以饗嘉賓而當酒增
樂趣於讀書方今

仁恩汪濊物產滋豐

朶殿宴時鳳餅則四時賡拜

瑤墀貢處龍團則六字來同又何必雨前筍紫爐
小泥紅笙奏庭前憶坡仙之詩白泉烹竹裏耽
桑苎之家風

書帶草賦 以綠滿窓前草不除為韻

紙窓竹屋之旁畫檻迴廊之曲有織草兮芊眠
飄長條兮紛縟茁雨千莖梳烟一束異柳線之
垂金殊蕉文之捲玉斜臨花嶼書萬架而芸青
低映苔堦帶幾條而春綠則有鄭氏講堂經神
別館樹繞屋兮雲濃花當簾兮晝暖鈔書則五
色挑箋屬草則一枝斑管何芳質之敷榮錫嘉
名兮足罕恍錦絳之歷几青依古井而黛深類

書帶之絨函綠護鸞山而雲滿夫以書之有帶也近排蓮幕夜伴蘭缸裏來竹策薰以芸苙直教緜帙雲封題名一一不是牙籤風動弄影雙雙試看秀色半叢掩映青油之幌絕肖縞文萬縷周圍綠綺之窓徒觀其條垂薤軟葉亞松堅簾幙渲露池塘裊烟紛如組以如綸名疑卷旆覺宜晴而宜雨茸或鋪氈腐倘為螢堪映蒲編於案上香能辟蠹好藏柳簡於牀前碧影入帷

翠痕界道裙繞綠兮春初袍染青兮春早風來
菰圃疑掀東壁之殘編雨過墨池夢起西堂之
麗藻宛肖垂紳之度傳將一派丰神如臨倒薤
之文撫出數行真草彼夫書蕉則懷素曾聞書
柿則鄭虔可乞帶紉蕙兮逍遙帶垂籐兮髣髴
或矜紅席之新竒或望綠天而蒼鬱未充經史
之縹緗僅作林泉之簪紱豈若茲露重勻霑颺
輕低拂人來則緩帶同閒花落則披書未訖留

得書香滿壁叢會秀以蔚然暫辭帶影橫金山
入深而恐不迄於今岩空逕古人去窻虛松菊
非淵明之宅蓬蒿迷仲蔚之廬每至斜陽照後
曉雨晴初時搖庭而綺麗猶繞砌而扶疎好共
名花號傳金帶非同貝葉字寫梵書倘教樹近
蓬萊萐莆媿休於

紫禁應共花迎劍佩吉祥著美於

丹除

榮鞠樹麥賦

以鞠有黃華乃勸種麥為韻

稽夏小正之紀候也。邊雁初飛，穴颺乍伏，山遠
看楓林幽訪，鞠步東陌，與西阡足騁懷而遊目。
鋪來綠野，堆寒菜之千畦，割盡黃雲，穫嘉禾之
萬斛，共慶告成萬寶時，好築場，又將有事西疇。
情同播穀，原夫麥者一莖，降種於來牟，四歲兆
祥於大有，樹於地者皆同得之天者，獨厚當九
月而生，歷三時之久，十分秋色，乃在梅黃荷綠。

之餘一片生機定宜棗剝栗零之後彼夫菱風
散影桂露含香雨凝寒而草紫葉微脫而橙黃
亦足以簡其稼器闢厥土疆然而時纔白露田
有青秧社鼓聲中方慶食瓜之節篝車道上正
忙打稻之場至若躔迴星次瓦凍霜華薄雲成
葉冷雪飛花於以趣其耕耨戒彼田家然而地
凍水冰覩土難敷嘉種非若芸生荔挺衝寒別
有靈芽惟鞠葉之初稠見鞠英之堪采綻佳色

以會榮挹清香而宛在過疎籬之細雨占斷秋
芳聽一夜之西風爭開瘦蕾客擬重陽之會酬
酩酊而歡然農為來歲之謀期錢鏞之序乃於
是嘯同儔盃新飯越蘋洲經蘭畹準備長鏡短
鍤播種不愆往來清眀冷風編氓胥勸行到蒼
葭野岸者黛耜之羣携叱從曉月江村喜烏犍
之正健爰命地官爰減駟從趣茅屋之耕耘歷
鱗塍之錯綜以鞠從鞠園林初聽鴻來各畋爾

田山野矣煩鴉種豈曰歲聿云暮無事農功須
知民生在勤胥關國用

皇上軫念民依輕徭薄役珍重西成勤思南陌值黃
花之時節寰瀛方樂豐年知赤壤之作勞穡事
皆承

仁澤願此後雪經三白陂塘生四月之秋卜來茲花
放千紅郡國獻雙岐之麥

浣花草堂賦

以杜少陵浣花草堂為韻

杜子美擣散一官萍浮六宇阻棧道之烟塵驚
漁陽之鞀鼓羈跡西川卜居遠浦闢小築於林
泉藉芳洲之蘭杜兩畚棲止認茅屋於江干一
半勾留愛錦城之花塢憶夫東閣餘閒西郊遐
眺分司馬之屋貲解參軍之祿料數弓之地寬
閒十笏之房窸窣鑿石池深疊山峯峭綠篠千
竿紅蕖四繞名以浣花茲焉坐嘯棗臺梨館居

然園是蘭成修竹茂林不獨亭誇逸少觀夫阻
山臨水木映花承松低檐兮四樹篁夾徑兮千
層紅開欄藥碧颭池菱橙林日薄檉柳烟凝露
冷而黃霏庭桂風暄而紫綴巖籐每至雨晨簾
捲月夕欄凭臨波作態俯鏡含澄濯五色之雲
霞不數花開金谷漲三篙之錦浪直疑舟泛武
陵可以栖遲可以蕭散課收稻之僮偕打魚之
伴門前則五月江深舍北則三春水暖有羅含

之蘭菊落葉窻前無仲蔚之蓬蒿狂花屋滿情
拋簪紒白雲隨流水俱閒興託滄浪俗耳與詩
情共浣時而吟風弄月問柳尋花衣披白袷帽
側烏紗邀元戎之小隊駐明府之輕車花明短
檻竹暗平沙蘿徑新開紅泉滴瀝柴門相送綠
蔭交加但看老樹霜經自謂愚公之谷不畏重
茅風捲恰稱處士之家惜乎白髮猶新丹心已
老歸雁難逢啼鴉易惱盼極浦之紅霞泛中流

之碧藻花何事而亂飛堂何為而不掃悵浮雲
於西蜀夢冷空江指斜日於長安感深遠道百
花潭北徒憐身泛孤蓬萬里橋西祇賸亭名一
草迄於今流風聞寂遺趾蒼涼池平樹古徑老
苔荒悵芳春兮花滿樹渺伊人兮水一方大雅
難作詩名自香背郭誅茅空想像於鄭公墓府
映堦碧草並流聲於蜀相祠堂

擬庾子山小園賦 以桐間露落柳下風來為韻

庾子山洛陽名士關內羈人大隱將歌小園成
賦詞多哀艷不得已也余有數廬僅堪容膝喧
卑避俗疎快宜人潘岳奉親戴符尋隱問籠中
之鸚鵡何意高軒託籬下之鷦鷯不求華樾况
乃羅舍宅內自有幽蘭數叢孫綽庭前時對長
松一樹懶散或同於叔夜牢騷迥異於蘭成聊
爾高歌擬為斯賦

爾乃一畝之宮度地鳩工築室十笏拓基半弓
編籬就枳作扉取桐窓低林外厨矮墻東鑿白
石而階起撥青枝而逕通於時處處其樂融融
半坳疏沼數尺疊山碧圍三面綠繞一灣花自
生而非樹草雖長而不刪魚影水裏鳥聲樹間
鷗獨宿而朝靜鶴雙栖而晝閒每至春來得少
佳趣綠豔油油紅香醋醋絮雪滿床梨雲千樹
垣短蝶來枝卑鳥度鶯坐柳而不驚燕窺梁而

半露及乎清和幽居可樂籐架成棚豆籬結幕
荷出池塘榴明院落十步迴廊半間秘閣時昂
天外之頭不挿塵中之脚歷秋及冬左宜右有
菊影一籬蔬香五畝涼颺起兮凋梧凍雪飛兮
枯柳捲茅檐則屋蕩如舟擁爐火則室幽如斗
景四序而都佳巢一枝而可假聽雨東軒之中
來風北牖之下荔繞頽垣竹排細瓦桂巷幽閒
篁亭清雅迹同邵子之窩念庇杜陵之厦歲樂

年豐一室之中紙閣蘆簾之婦蓬頭歷齒之童
雨鋤春韭露剪秋菘萱草可以忘憂菽水不足
言窮高卧自謂羲皇以上彈琴以詠先王之風
或以偃仰或以徘徊堦累土而不埽門掩柴而
半開著書則枚馬可許結友則求羊自來賦三
逕之杞菊步一庭之蒿萊又何羨乎雲樓霧閣
月榭風臺將隨遇而安矣聊卒歲以優哉

避暑山莊賦

倚山築城芟木開闕左湖右島嵐影泉聲惟

卷阿之勝境實卓秀於遼京蓋自

聖祖以逮

高宗而七十二景之園以成懿我

大清之創業也

出震向離握竒執正十三甲而罪人得一戎衣而天下
定人亦協從晷緯昭應撫二九省而鏡清砥平

統億萬程而風行雷聽凡內外扎薩克之藩封
莫不納地啟關執鞭駢乘當木蘭之秋獮肆武
習勤構

避暑之山莊崇墉特稱茲園詭麗氣象萬千金山
發脉暖溜分泉注以武烈之水繞以廣仁之山
陂池驛豸蒼嶙纏連松風萬壑梨月一川雪千
尺而飛瀑雲四面而擁嵐其外則緇流麇集紺
宇蟬聯龍華結會鹿苑談禪鐘聲三界梵唄九

天皆以祝

一人之福壽頌四海之蕩平每當西嶺烟橫東山霞曙
翠影長林嚶聲綿羽竹報平安草名規矩熱水
不冰磬峯如柱永佑之塏千尋文津之書四庫
馴鹿坡長知魚磯俯濠濮有真清涼無暑雨聽
春樓霜舍夏屋紅葉秋山白雲冬塢或凭檻而
高瞻或登亭而遐矚樓閣參差林巒掩互高高
下下三三五五四時之景不同實足以甲萬方

而隻千古猶憶移

翠罕駐木蘭馳鹵簿集躬桓郊迎百辟仗擁千官
纍纍辮髮岌岌裳冠環網城而周帑布佛勒而
圍圍七十二圍之密一千餘里之寬羽騎營營
欲野歎巒脚麟麟鹿搯豹懸貍竿艾之所捏畢
又蒞之所拘攔風毛雨血拉搏摧殘舉凡漢唐
宋之和親遼金元之可汗恭鞞鞠脰賈勇臚歡
皆奉觴而上

壽效膜拜而迎鑿大禮既成迴輿肆宴

天子乃闢萬樹之園坐靈光之殿盛禮興樂列筵班膳
猶復試馬長楸張旃晴淀教駢詐馬萃荼火之
千重烟火燈竿戲魚龍之萬變行慶則珍玩霞
堆頒賞則金錢雲散於斯時也天宇霽清物情
恬怍材官騎士合鳧藻於四圍將帥公卿立風
花之一片有同鄴水之朝無異華林之讌二百
年來歌舞於斯者何非荷

九重之天眷是蓋黃帝思教戰文王不敢康暢

皇威於沙磧習戎備於長楊莫敢不來享莫敢不來王

所由

十全功葳奕葉

恩長豈以馳情蒐狩怡志林塘誇綺靡於金谷園媿點
綴於平泉莊今則樓臺輪奐池榭蒼涼佳樹秀
而勿翦野芳發而自香蓋望

幸於臣民者三十六霜昔韓魏國之紀行程富鄭

公之充介儼白鹿河清縞羊山峻雪窖冰天飛
螢走薜望毳幕而踟躕怵戈矛之蹂躪雪上吟
髭霜侵蓬鬢今予則雁塞行邊戟門坐鎮樂琴
書以銷憂轄旗綠而演陣此地有崇山峻嶺暇
且哦詩終年無淮雨別風夢堪安枕睹萬姓之
歡娛合六州而和順曾不半年司農內晉拚帶
緩而裘輕媿紳垂而笏搢撫時勢之艱迤有不
致身而思奮也哉

皇帝六載時餞春也脂車秣馬將覲吾

君也投篇援筆誌

堯仁也賡歌者誰則臨潢之具臣也